

***Qinngornerit ioninngortitsisartut pillugit aamma qinngornernut illersuuteqarnissaq  
pillugu Inatsisartut Inatsisaannut nr. x, ulloq xx. xxx 2015-imeersumut siunnersuut***  
(Peqqissutsimut Naalakkersuisoq)

**Akissuteqaat**

(Peqqissutsimut Naalakkersuisoq)

**Aappassaaneerneqarnera**

Naalakkersuisut sinnerlugit Ilaqutariinnermut Peqqissutsimullu Ataatsimiitaliap Qinngornerit ioninngortitsisartut pillugit aamma qinngornernut illersuuteqarnissaq pillugu Inatsisartut Inatsisaannut nr. x, ulloq xx. xxx 2015-imeersumut siunnersuummut tunngatillugu suliaannut qutsavigniarpakka.

Naalakkersuisut nuannaarutigaat innuttaasut qinngornernut navianartorsiortinneqarnissamut illersorneqarnissaannut inatsisisstatut siunnersuut ataatsimiitaliami amerlanerussuteqartunit isumaqatigineqarmat. Inatsisisstatut siunnersummi qulakkeerneqassaaq innuttaasut tamarmik peqataatinneqarnissat mianerinminnernut aamma iliuusissanut qinngornernik ioningortitsisartunik sunnertinnissamut tunngatillugu.

Ilaqtariinnermut Peqqissutsimullu Ataatsimiitaliap Isumaliuutissiissuteqarnerminnut atatillugu kissaatigisimavaat akissuteqaateqartoqarnissaq inatsisisstatut siunnersummi matumani tunngavissaliisoqarnersoq Kalaallit Nunaata isumaqatigiissutit sinneri tulleriaarlugit allattorneqartut akuersissutigisinnaanerai.

ILO-isumaqatigiissutip (qinngornernut ioninngortitsisartunut ataatsimoortumik sulisartut tamarmik illersorneqarnissaat) nangaassutigineqarnerata atorunnaarsinneqarnerata saniatigut isumaqatigiissutit makku tikkuussutigineqarsinnaapput:

Nunat tamalaat akornanni ataatsimoortumik isumaqatigiissutaanut nangaassuteqaatip uunga tunngasup ikummatisaasimasut atorneqareersut aamma eqqagassat radioaktivimik akoqartut isumannaatsumik passunneqarnissaannut tungasoq (Eqqagassat pillugit Isumaqtigiissut) atorunnaarsinneqarnissaanut piumasaqaataavoq, nunami namminermi pisariaqartumik qinngornernut illersuinissamut inatsimmik akuersissuteqartoqarnissaa, taamaaliornikkut Kalaallit Nunaat isumaqatigiissummi aalajangersakkanik eqqortitsissammatt.

Eqqagassat pillugit Isumaqtigiissut taamatuttaaq atuutsinneqarpoq eqqagassanik radioaktivimik akoqartunik isumannaatsumik passussinissamut tunngatillugu, imaappat eqqagassat radioaktivimik akoqartut inuinnaat ingerlatsinerannit pilersinneqarsimappata. Taamaattumik Kalaallit Nunaanni tamatumuna pisariaqartumik iliuuseqartoqassaaq, inuit ataasiakkaat aamma inuttaasut ataatsimoortumik isigalugit qingortinnissamut navianartorsiorsinnaanermut naammaginartumik illersorneqarnissaat qulakkeerniarlugu, tassunga ilaavoq radioaktiviusunik atorneqarsinnaajunnaarsimasunik pigisaqarnermi imaluunniit suujunnaarsitsinermi tamatuma Eqqagassat pillugit Isumaqtigiissutip malinneqarnissaa.

Tamatumunnga ilutigitillugu IAEA-mi isumaqatigiissutip *atortussianik atomitalinnik timikkut illersuinissamut* tunngasumut nangaassuteqaatip atorunnaarsinnejarnaranut atatillugu piumasaqaataavoq, Kalaallit Nunaanni ataatsimut isiginnilluni qinngorernut illersorneqarnissamut inatsimmik akuersissutiginnittooqarnissaa.

Taakku saniatigut ataatsimiitaliamit paasitinneqarnissaq kissaatigineqarpoq, uranimik aatsitassarsiornermi sulinermut maleruaqqusat eqqartortillugit Naalakkersuisut nunanut sorlernut innersuuteqarsinnaanersut.

Paassisutissiissutigineqarpoq Australia Canadalu ukiorpassuanngortuni misilittagaqarnermik paasisanillu annertuunik peqalersimapput qularnaatsumik aatsitassarsiorfinni uranimik piiaanermi. Australiami Canadamilu nunat tamat piumasaqaataat IAEA'p malittareqqusaanik qaffasinneppaat malinninnissaq isiginiarneqarput. Naalakkersuisut kissaatigaat Kalaallit Nunaanni nunat tamat piumasaqaataat IAEA'p malittareqqusaat qaffasinneppaat malinneqassasut. Taamaammat Naalakkersusuisut innersuutigissavaat nunat Australiap Canadallu uranimik aatsitassanik piiaaffinni malittarisassaat malinneqassasut IAEA-llu malittarisassai innersuussutaalu malinneqarlutik.

Taamatuttaaq Ataatsimiitaliami ikinnerussuteqartut, tassa marloqiusamik inatsisiliortoqarnissaanut kissaatigisaqarlutik qinngornik ioninngortitsisartunik aamma qinngorernut illersorneqarnissamut maleruagassiissussamik, inassuteqaataannut Naalakkersuisut naatsumik oqaaseqarfilaarniarpaat.

Danmarkimi inuttaasut qinngorernut illersorneqarnissaannut akisussaaffik Sundheds – og Ædreministerieqarfimmiippoq. Taamatuttaaq Peqqissutsimut Naalakkersuisoqarfik Kalaallit Nunaanni innutaasut qinngorernut illersorneqarnissaannut nalinginnaasumik akisussaaffigaat.

Sammineqartoq Danmarkimi manna tikillugu inatsisini marlunni immikkullarissuni malittarisassiuunneqarsimagaluarp. Sammineqartumi ineriatorneq aamma nunani tamalaani maleruagassat nalinginnaasut kiisalu EU-mi inatsisit qinngorernut illersorneqarnissamut tunngasut malinneqarnissaat kissaatigineqarmat, tamatuma kingunerisimavaa maannakkut Danmarkimi qinngornerit ioninngortitsisartut pillugit aamma qinngorernut illersorneqarnissaq pillugu ataatsimoortumik inatsisiliortoqarnera.

Naalakkersuisunit kissaatigineqarmat Kalaallit Nunaanni inatsisip qinngorernut illersorneqarnissamut tunngasup aammattaaq nunani tamalaani malitassat nalinginnaasut qulakkiissallugit (IAEA pitsaassutsit nalinginnaasut kiisalu EU-mi malitassat) inatsisit malinneqarnissaat, taava tamanna tunngavigalugu inatsisissatut siunnersuut manna aammattaaq qinngorernut ioninngortitsisartunut kiisalu qinngorernut illersorneqarnissamut inatsisitut ataatsimoortutut siunnersuutaavoq. Malittarisassat marlunnik avitat kingunerissavaat inatsisit assigiinnik oqaasertallit marluk, inuk timmisartoqarfimmiikkaluarpat, napparsimavissuarmiikkaluarpat piiaaffimmikkaluarpalluunniit annertussusissamut killigitat nakkutiginninnerlu assigisaallu assigiissammata.

Suli aamma ullumikkut Kalaallit Nunaanni immikkut ilisimasanik pisariaqartunik peqartoqanngilaq. Tamatuminngalu pissuteqartumik Peqqissutsimut Naalakkersuisoqarfimmit Statens Institut for Strålebeskyttelse suleqatigiinnissamut isumaqatigiissuteqarfingeqarniaromat, taamaattumik aammattaaq tamanna eqqarsaatigalugu siunertaalluassaaq ataatsimoortumik inatsiseqarnissaq. Malitassat inatsisini marlunni assigiittussaammata inatsisissatut siunnersuut danskit sammisamut inatsisaannut qanittuutinneranut ilutigitillugu allaffissornikkut pisariillisaaneq anguneqassaaq, malittarisassat inatsisini marluusuni assigiissammata.

Inatsisip atuutsinneqarfissai aamma inatsisinut allanut suut killissaritinneqarnersut ilaatigut nalornissutigineqarsimammata naggasiullugu eqikkaassaanga:

*Inatsisissatut siunnersuut innuttaasut ataatsimut isigalugit pingaarnertut killiliivoq.*

*Aatsitassat Ikummatisanullu Inatsit aatsitassarsiornermi maleruaqqusanut atuuppoq, tamatumunnga ilanngullugit aatsitassarsiorfinnik ingerlatsinerit.*

*Aatsitassarsiornermi ingerlatsinernut tunngatillugu akuersissutit aamma akuerineqarnerit Aatsitassat pillugit ingerlatallu tamatumunnga pingaarutilit pillugit Inatsisartut Inatsisaat (Aatsitassat Ikummatisanullu Inatsit) tunngavigalugu malittarisassiunneqarput. Akuersissutini aamma akuerineqarnerni taakkunani inatsimmi matumani piumasaqaatigineqartunit annertunerusunik piumasaqaateqarnissanik aalajangersaasoqarsinnaavoq.*

*Kalaallit Nunaanni Sulinermi Avatangiisit pillugit Inatsisimmi suli tiguneqarsimanngitsumi sulisut nunami tamarmik ilanngunneqarput. Sulisunik qinngortinnissamut illersuineq Kalaallit Nunaanni Sullinermi Avatangiisit pillugit Inatsisimmut ilaatinneqarpoq – piaaffimmi sulisuugunik sulisuunngikkaluarunilluunniit – tassa inatsisissatut siunnersuummi matumaniunngitsoq.*

Taamatut oqaaseqarlunga Inatsisissatut siunnersuut Inatsisartuni oqaluuserineqartussanngortippa.